

«ԵՂԻՇԵ ՉԱՐԵՆՑ. ԸՆՏՐԱՆԻ»

Յուրաքանչյուր էջ ու սևագիր թերթիկ այս գրքի սահմաններից հեռացնելով ցավ ի սիրտ, ուղղակի պոկելով, ուղղակի վտարելով դրանք, որ վավերական դիմադարձությունն են իրենց դաժանակի, մի կողմ դրվող յուրաքանչյուր թղթի հետ միատեղ մի կողմ թողնելով էպիխայի հրեշտեն վիթխարի զանգվածից ծանր մի հատված և չարենցյան խորագիր խարանը - դրոշնը - խոսքը այդ հատվածին,

մեծ մտածողի, աշխարհի մեծ քաղաքացու, հայրենիքի երդվալ մարտիկի, գրականության հսկայի ծննդյան այս առաջին հարյուրամյակի և նահվան սպանության, ինքնասպանության, ինքնաբացարկի, ինքնահրկիզման վաթսունամյակի առիթով սույն հատորը մենք սահմանեցինք

ափսոսանքով շատ ավելի այս ընտրանու սահմաններից հեռացվող չարենցյան կռնահար դրոշնի, խարանի, վերաբերմունքի, խոսքի համար, քան պատմական հենքի,

որովհետև

այսօր ապրողներիս առջև կյանքի-մահի մարտահովտում էպիխան հառնել է հրեշտաբար անհերեթ իր նույն զանգվածով Վաթսուն տարին և հարյուր տարին ոչինչ ասես չեն հեռացրել, չեն սուզել ժամանակի օվկիան, պապանձյալ վերապրողներիս առջև էպիխան նույն հրեշի իր ծանր գալարներն է անում, ամբողջ ժողովուրդներ ու հայրենիքներ են խելագարվում,

իսկ մեծ հայեցողը, այլև հիացողը - ոչ ընկրկողը, ոչ սարսափահարը - մեծ հիացողը որպես միայն թշնամի հսկաներ են հիանում մինյանց գենքուզարդով, որպես միայն երկիրն ինքն է հայում իր ծաղկումն ու վիլուզումը՝ մեծ հայեցողը, այլև ճակատողը, մաքառողը, մարտնչողը, էպիխայի հետ ժամիք ժամիք կրվողը, էպիխային վերքերի վիհեր տվողն ու խոր վերքեր առնողը մենք ողջերս չենք -

ինքն է՝ Զարենցը՝ մարտիկը և արքան, մարդու հայրենիքի այս հարատև կրվի ոչ մի պահը չուրացած և ոչ մի մարտը չշրջանցած, արյուն տալով գահակալ բարձունքի հասած մարտիկը:

Ութսուն տարի առաջ իր հայտնության վեհությունը և վաթսուն տարի առաջ իր կորսույան մեծությունը նա հենց այս ահազնությամբ էլ տեսնում էր,

որ իր խոսքով տիրական մարդկանց արևային մի աշխարի է բացվում, անլեզվության ստորագույն կապանքից ժողովուրդ է ծորտաթափվում, ժողովուրդ է կանգնում ժամանակի հետ խոսքի շքեղ տուրեկարի, երկիր է դառնում ազատների հայրենիք,

և իր կոպերի հետ աշխարի է փակվելու, հայրենիք է երես դարձնելու իր զավակներից որպես օտարներից, իր լոռության հետ ժամանակն ինքն է լռելու, այլև խորթանալու, այլև թշնամանալու,

այլև խուսափելու սերունդներիս ու սերունդներիս խոսքից որպես
անհաղորդ, անծանոթ, այլև թշնամի լեզվից,

և ինքը նորին անհրաժեշտությունը հարյուրամյա և վաթսունամյա
անցյալից պետք է բարձրացնի ժամանակներն ու տարածու-
թյունները հպատակեցնողին, և ժամանակներն ու տարածություն-
ները պետք է, ինչպես մեծ տերությունները իրենց նվաճողին, ճանա-
չեն ու հպատակվեն իրենց եզակի տիրակալին: